


MAGIN LAMBRA



Lama khe saikuba: Asakal jing elaiyaba jagani gejengde tangma jendu oraha jing eboni sagangha pinshibo tangba giriko, tikade sengrimbai hi jing sumbo lama khe saikuma nangre. Ar jodi jing haprang mairetikade jing tik lama ha niyatihi tikade mirigdada hemre ar serding giding dauding hi tik lama khe samaidu.

Sainmidi ning ar ang ebo relireti habsau ni sang jahi tauglau ni gejang daulangdu, elai masi sui gejeng, boni mushi kali jamtaumu giri. Fhinsi oraha sohibani yauhon ha jintani jatai asakal slaipuya. Obani klaihi kaplung, snadi nisi mithiduti, ning baraha tanghi dongba khe?

Jintane Lama Pnuya Laishi: Jingkhe sangsaiyaba dambrama jarni maya ar kasauma ni esabjang jintane masi lamapnuya laishi hodaiba. Bo laishi ni bumu gatar laibra Bible jaka. Ebo laishi jingkhe sumbo lama, sorgohatangyaba lama na nohrogha disoyaba lamaha hemhi dong bati, boke neng ragaushi jingkhe pnudu. Ebo laijmaha riyaba bono (quotations) Bible sang neng layaba se. *‘Nini grauthai ani yapreni klaihi taupary ar ani lamani klaihi musringyaba.’* (Psalm 119:105).

Lama Gowar: Ebo lama ha hemyaba gabang subung neng dong. *‘Masi dauglab gowar dong ar gibin dong basha sha. Dauglab gowar lama hemyarau gabang subung bangbi. Bashasha dauglab khe bishing ha hab, sumjabanitikala jamginyaba ha suireyaba dauglabgowar ar lama war bi, ar ejang beshing*

habyarau bangdau.' (Matthew 7:13). Ebo gowar lamayong ha hemyaraubuthu gabangbuthu ni mutai mugimlaka. Jamginyaba ni lamaha hemhi dongba grauke bonshi buthu haprang maiya, ar bhonsibuthu eboke mushihabo dopajauya. *'Elaiyaba lama dong je subung ne tik belengba nujaudu, thikabo boni jamtaubaha dambrachor suihi ridu.'* (Proverbs 14:12). *'Ar bho lonyaraubuthu ni klaihi buni budhi khe ebo habsau ni madai neng ghana klaiklaka.'* (2 Corinthians 4:4).

Bakho: *Ebo lama khe rigyarauphap ni bubain jang geberpahi dong. "Krip neng phap klaika ar Isor ni mohima jang girih dong."* (Romans 3:23). Jing Isor jang masibo phap hoipuya. *'Subung de bajih ni saugari khe se naiba, tikabo Jehowah ni muh de khah basau ha se dongba.'* (1 Samuel 16:7). Phap ni bakho subung ni bisima ha bahriba. Jing jarni pasa ni gejeng masibo phap sang sogoma maipuya. Bedehe bubli lailanghi tangdu olai neng bu phap ni bakho bo barahi tangdu, ar *'phap ni yauwai de githi se.'* (Romans 6:23).

Gurjiliba: Saukuli ha nohkasau gurjilyaba Isor ni saikuma khe pladu. *'Subung ne panta finshi thima ar boni yahon ha saiku jaumane saiku ma.'* (Hebrews 9:27). *'Fin ang neng masi gede guphu sighasan ar bhuke je oraha kamhi dongba, nuhba fin ang neng kashiba gedeba krip thiyarau khe sighasan ni rogongha songhi dongba nuhba ar laishi kuh ka ar fin masi ar laishi kuh ka grauke nengtiba haiyu ni laishi ar bedehe bo laishi ha rebnya dongba, bhunshi ni kushi ni mode thiyaraubuthu khe saiku ka. Ar sere ashaba ni bumu haiyu ni laishi ha rebhi dongyaba maiya, bhu wai ni karnai ha lemsing jauka.'* (Revelation 20:11-15).

Waimijim (Wai): Sumjabanitikala Isor gatar se ar saikuya, obaniklaihi phap ni sajah jamanengngandu. Isor ni grauthai jingkhe saintidu masi norog bo dong sere Isor ni saniyabagrauke layayaraubuthu ni klaihi thauglau sajah ni jagah dong. Bible tidu: *'Hamyararau norog dambra ha tangma odehe bho krip jadibuthu sere Isor khe blaulangladu.'* (Psalm 9:17). Nini gede hamyaba mamung seneng niya oraha tangmane klaihi pura jaba olai niya, era bhuni klaihi bo se sere Isor khe blau langladu (bhunsini klaihibo).

Tikabo Isor kasaumani bo Isor se. *'Bhu nangjauya ki ashabajamting, arbo erasoshi krip khe khah finmane hajora maiting.'* (2 Peter 3:9). Bhu jarni dedauryaba kasauma ar maya dengdu, obani klaihi saugaprong nangjauy-ababuthu ne klaihi bhu neng gomane lama salaiba. Snadi ning haiyu ni lama khe maima nang jauduti?

Haiyu ni Lama-Sogoya: Jingde jarni phap ar phap ni sajah prang sogo-lapuya. Obani klaihi Isor jarneng saushi sogoya ni balam slamriba. *'Sumjabanitikala Isorde habsau khe elai kasauma deng ba, ki bhuneng jarni saushi mamungyaba Basa khe rihakha, snaditikala je sere bhun sauha lon re, bho dajamting, tikabo tauglauni haiyu maiting.'* (John 3:16). Sorgoni bhupa Isor neng jarni saushi mamungyaba Basa Gabra Jesu Christ khe sorgo sang ebo habsau ha haihaba, bhu sausi subunglai dongba jiba, tikabo sainsi bo mushib phap klaiya. Bhu hamba klaihi hembra tangba, gilim-gasha ha galaiyarauke hamri palangba, kunti (lepers) khe ragauriba, hamya sgainmadai jang gajauy-arau bhuthun sang hamya sgain-madai kaicoba, khahfinyarau phapi buthu ni phap khe map klaiba ar malai khe Isor ni bisoiha sibringba.

Tikabo bhuni subung saugari laba ni yahon ha kripta dedautauyaba ortoijing kripni klaih misingyajahi (bandairilaya) jahi thima nangba, jarni sorgoni ba phap girih haiyu rihi jarni damganang bithi jintani phapbuthu khe tarklaitar mane klaihi riyenriba.

Bhuneng jarke hamyarauphap subungbuthu ni yauha glairiba, bhuneng bho bubli soshi jarni bisimasabha dojauriba jekali soshi wairu-thiru bumaijang ga-

blaisoyashi, bhuneng jarni kro sauha shuni sgauparai (crown) pari jauba ar yahontauha kross sauha bhu neng jarni yau ar yaga ha slash (nail) digphajau-ba, oraha thibasoshi tenglanglang tauba. *'Bhu jarneng jintani phap khe jarni saumangha lahazi kross sauha bainguba.'* (1 Peter 2:24). Bhu nini klaihi ani klaihi thiba.

Jesu ni Thangjapinba: Jesu Christ saintam soshi mangklong, (grave) ha dong bani yahonha thangjafinba. Ar jarni rigyau (disciples) buthu jang dongba hembra ar grausailaiba, ar sain jang bisagin basain ni yahon hase sargoha gakuangba, ora bhu Isor ni yauda gejeng kamhi dong-sausi thanghidongyaba sogoyaba. *'Sorgo ar habsau ni dongbashi sagaupang.'* (Matthew 28:18). *'Obani klaihi sere bhunteni gejeng Isor ni rogongha paidu, bho bhuke pura sogopudu, sumjabanitkala bho bhuni klaihi jerig rimane nalaibo thanghidong.'* (Hebrews 7:25).

Sorgo: Sorgo bho dongtan se, bara Isor jarni dongbashi mohima jang donghi dongdu. Gabra Jesu Christ neng tiba: *'Ang nisibuthune dongtani slamma tangnangko, ar jodi ang tangdada nisibuthune jaga salainang, ode fin paidada nishike jarni eraha langlanang, ki braha ang dongma oraha ningbo dongting.'* (John 14:2-3).

Eraha masi gamangtaushishiyaba dongtan se *'oraha Isor bhuni mutai ni krip mudi rugarrinang, ar eboni yahonha thiyaba na dongma, arna dukhu na grayaba na sayaba dongma, sagang ni grau lailangtarka. Ar fin hor jayaka sumjabanitkala Gabra Isor boke sringrima.'* (Revelation 21:4 & 22:5).

Ebo masi amangni gatar dongtan se oraha mushibo gushu busto ba rigiyaba khusi dangyaba, ba mosol joyaba ashaba darajang bo habba maiya, bhubuthu mamung seneng sereni bumu melma ni haiyu ni laishi ha rebyaba dongba. (Revelation 21:27).

Tikabo sorgo ni masi mamung seneng lama dongba Gabra Jesu Christ neng tiba: *'Lama, gibih ar haiyu ang neng se, angkhe garhi saushibo bhupa ni rogongha sohiphuya.'* (John 14:6). *'Ar soushinigejeng sogoma giri sumjabanitkala sorgo ni baklaha subungbuthun ha ar soushibo gihin bumu giri bun gejeng jing gomah (salvation) maipumane.'* (Acts 4:12).

Jing bedehe Sorgo ni Lama Maipuma ?

1. Khah fin ar hambagraujma sauha lon di (Mark 1:15). Khah finba jarni dongbashi khah khe phap sang pendada Isor ni gejeng panangma se.
2. Gabra Jesu Christ ni rogong ha jarni phapbuthu ni bubain khe lahazi bihba ha labu ar bhujang bih je nene map reting. Gabra neng tiba: *'je sere ani rogong ha paire bhuke ang ashakal kaicoya.'* (John 6:37). *'Hei krip dangbaranyarau ar bubain jang geberpayarau, antani rogongha paidi ang nisine lenggori nang.'* (Matthew 11:28).
3. Jarni gomane klaihi Christ khe londi. *'Ar bhoni basa Jesu ni bithi jini krip phapbuthun sang ragauridu.'* (1 John 1:7).
4. Bho nintene gadain haiyu rima odehe-thauglauni haiyu rima. Gabra Jesu neng tiba: *'Sere ani grauthai knahi angke haiyaba khe gaindu, thauglauni haiyu boni neng, ar bhunha sajah ni hokum soliya, tikabo bho thibani sang jahi haiyu ha habpaika.'* (John 5:24). *'Tikade jodi sereba Christ ni ha dongtikade bhu gadain sangsaijayyaba se: gajam grau lailanglaka; naidi bo krip gadain jatarka.'* (2 Corinthians 5:17).
5. Nini ha santhi ar asama dongma. *'Tikade jing londada dormo songjauka tikala jarni Gabra Jesu Christ ni gejeng Isor jang milima deng.'* (Romans 5:1). *'Ar bho sakh (testimony) ebo se je Isor neng jintane thauglauni haiyu riba, ar ebo haiyu bhuni Basa niha dong. Hereh niha Basa dong, bhuni rogongha haiyu dong, ar hereh ni rogongha Isor ni Basa gerih, bhuni rogong ha haiyu bo girih. Angneng nisine je Isor ni Basa ni bumun sauha londu, obani klaihi*

rebba se, ki nisi haprangmaiting, snadi thauglau ni haiyu nisini neng.' (1 John 5:11-13).

Gadain Haiyu Jang Bedehe Dongma ?

1. Sainmidi Bible pureting. Jinteni lama ni klaihi sringba khe garhi ebo jinteni besai ni klaihi bo jemu se. *'Hajaiba gadain nanagili lai semang gaker ni libima deng, ar bhuni gejeng udar maimane klaihi barahi tang !'* (1 Peter 2:2). Ning puriba bubliha Isor khe bihdau jarni besai ni gejeng ning khe slingriting ar disoting.
2. Sainmidi bihbaha Isor ni rogongha pai Jesu Christ ni bumu jang bihdau. *'Asaba graunibo waimu danang: tikabo krip masi grauha nisini singba biba ar biriba ni gejeng doinaybat ridada, Isor ni rogong ha hajir klaiting. Odehe Isor ni santi je baubasobathabo hamsining ning barahise, nisini khah-ar nisini bisar buthu khe Christ Jesu ni ha thatihi dengma.'* (Philippians 4:6-7).
3. Jesu ni bisoi ha malai jang sailai. *'Jarni noh ha thangdada jarni subung khe sainti. Snadi nini sauha kasaudada gabra ning nintene klaihi bilai gede kushi dangka.'* (Mark 5:19).
4. Naigrig (temptation) jabaha Gabrakhe jirikla. *'Sumjabanitkala jekali bhuneng naigrig jabani hajoraha duku suguba, deitikala bhu khe bo juruba balaidu, sereni naigrig jadu.'* (Hebrews 2:18).
5. Jodi ning ashaba phap ha glaisingka tikade sanganeng bhoke Isor ni rogong ha manila. *'Jodi jing jarni phapbutu khe maniladu, tikade bhu jintine phapbutu khe mapklaimane ar jing khe krip gajaiyaba ni sang ragaurimane lonjau gotai ar dormo bo se.'* (1 John 1:9).
6. Gibin lonyarau buthun sang Christ Jesu ni ha gabapaba maima ne pasha nai. *'Anni saniyaba ebo se ki bedehe angneng nisike kasauuma dengba, olailaineng nisi bo saushi jang saushi kasaulai.'* (John 15:12).
7. Nalaibo Isor ni saniaba graukela. *'Jodi sereba ang khe kasaudu tikade bho ani grauthai khe manima.'* (John 14:23).
8. Dakinting sumjabanitkala Christ ning jang dong. *'Bhuneng tiba: ang ningke asakal haigerya, na asakal balauma.'* (Hebrews 13:5).
9. Gabra Jesu Christ ni yaoha jarni dongbashi yaophaklah. Bhuni eshamode jarke soliri elai darajang nene gibijang kajama mainang. Gabra Jesu Christ neng masi melma sogoyaba se, ar bho gablaiyaba sogoya se. Bho neng kripse buke nene nangdu. *'Jarni saumang gatar, Isor ne khah kushi jagotai, gatang bandai (mi staiba) ribalai hodai, ebo neng nishibutuni tig suwayaba se.'* (Romans 12:1).

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)